

Asisko gutuna

2015ko Urria. 4. printzipioa. Bidea elkarrekin egin, anaitasunez bizi

84. zenbakia

Asis Sarea eguneroko bizimoduan espiritualtasun frantziskotarra ezagutu edo partekatu nahi duten lagunen sare sozial irekia da.

Gizakion handi-haizeak ez dira sinestekoak! Bururatu zaigu Jesusen intimitatera, bere mundu propiora iritsi behar dugula. Baina nor gara gu horretarako? Gure artean erregeari behar bezalako tratamendua ematen ez diona zigortu egiten dugu, eta Jainkoari aurrez aurre jardutea kabalena iruditzen zaigu.

Bai, horrela da; baina hala ez balitz, zertarako Jainko urrun bat?, zertarako ezin badiogu geure izate osoa hustu?. Ez genuke inolaz ere gure uste osoa jarriko laztan txikiena agertzen ez digunarengan. “Zatozte eta ikus” esaten digu guztioi, bere intimitatera gonbidatuz.

Gogoetarako gaia

Intimitatea

Intimitatea gizakion baitako barrutia dugu, gu geuretzat eta harreman berezian ditugun hurbileko pertsonentzat gordea. Sozial denari, publiko eta denen domeinukoa denari kontrajartzen zaio. Intimitatea kontzientziarekin lotua dago, soilik norberarenak diren esparruekin, non neuregan zaurgarrien denaren zaintzaile naizen. Barrukoarekin, erdi-muinekoarekin, erreferentzian dago. Esparru horretakoak dira egiarik pertsonalenak: afektibitatea, kontzientzia, dauzkagun gauza egiazkoenak, geure harremanak ... Jeneralean arreta handia dugu geure intimitateaz; eta horrela behar du izan, zeren eta norberaren barruti hau kanpoan kokatzeak estalperik gabe, babesik gabe, uzten baikaitu, geure izatearen erdigunean zaurituak izateko zorian.

Senidearekin dudan harremanak harengan intimitatearen espazio sagaratu sumatzera narama eta mailarik handiengan errespetatzera. Ez dut bertara sartzeko eskubiderik, eta ez dut eskatzen hori, ez eta nahi izan ere. Agian une batzuetan senideak bere sekreturen bat ezagutzera gonbidatuko nau. Alde pozgarri ala saminak izango dira, alaiak ala tristeak, baina bizitzako gauzarik harrigarrietako baten lekuko izango naiz: bizitzarik pertsonalena. Orobat ni neu ere prest egongo naiz haren presentziara zabaltzeko eta neure pertsonaren bazter batzuk erakutsiko dizkiot. Senidetasunaren unerik ederrenetariko bat izango da.

Eta Jainkoa erdian dago, anaiaren bidez elikatzen nauelako eta, aldi berean, Jainkoaren janari naiz berarentzat. Horrela goaz gizatasunean sakontzen eta hazten.

Ebanjelioko pasartea: Jn 15, 7-15

«Aitak maite nauen bezala, halaxe maite zaituztet nik ere zuek; irauñ tinko nire maitasunean. Nire aginduak betetzen badituzue, nire maitasunean irauñgo duzue, nik neure Aitaren aginduak betez haren maitasunean irauten dudak bezala. Hau guztia nire poza zeuengan izan dezazuen esan dizuet, eta poz hori bete-betea izan dadin. Hau da nire agindua: maita dezazuela elkar nik maite izan zaituztedan bezala. Ez die inork maitasun handiagorik adiskideei, bere burua haien alde ematen duenak baino. Zuek nire adiskide izango zarete, nik agintzen dizuedana egiten baduzue. Aurrerantzean ez dizuet morroi deituko, morroiak ez baitu jakiten nagusiaren asmoen berri; zuei adiskide deitzen dizuet, neure Aitak jakinarazitako guztia adierazi baitizuet».

Frantziskotar espiritualtasuna

“Eta anaiak edonon daudelarik edo elkarrekin topo egiten dutelarik, trata bezate elkar etxeko bezala. Eta konfiantzaz ager biezakio batak besteari bere premiak” (2 Er 6,7-8).

«Bazen Rizerio izeneko anaia bat ... Anaia honek uste zuen, Frantzisko santuak bihotz barnez maite zuenak Jainkoaren grazia merezi zuela; eta alderantziz, hark onginahiz hartzen ez zuenak, Epaile goren-goren haserrea zuela bere gain. Burutapen hauek zerabiltzan gogoan eta maiz aritzen zen bere buruarekin isilean hizketan, baina ez zizkion inori bere pentsamendu ezkutuak agertu. Egun batez, aita dohatsua bere gelatxoan otoitzean ari zela, anaia hura, ohi bezala kezkatuta, leku hartara iritsi zen. Jakin zuen Jainkoaren gizonak haren etorreraren eta barnean zerabilen kezka berri eta, berehala dei eginaraziz, esan zion: “Seme, ez zaitzala inolako tentaldik kezkatu, ez inolako burutaziok aztoratu, oso bihotzekoa baitzaitut; jakin ezazu bihotzekoen ditudanen artean nire maitasuna eta konfiantza merezi dituzula. Etorri nigana beldurrik gabe nahi duzun guztietan, eta mintza zakizkit konfiantza osoz”. Biziki harrituta gelditu zen anai Rizerio eta ordutik aurrera orduan eta konfiantza handiagoz murgildu zen Jainkoaren errukian».

Otoitza

Sinesten dut, zure maitasuna nigan bizi dela
eta zure eskuetan jartzen naiz.
Mila esker, zure Espirituak blaitzen, betetzen
eta bizi arazten nauelako.
Goresten eta eskertzen zaitut nigan bizi zarelako.
Aita, deika nagokizu zeure Espiritua
nigana isur dezazun,
Hark nigan otoitz egin dezan, Hark gida ditzan
ni zurekin aurkitzeko urratsak.
Jauna, zure jauretze naiz: pozik nago.
Hain zara bihotz-hunkigarria!
Geldi, egon zaitez nirekin, Jauna,
ene bihotz pobretxoan.

Jesus Jauna, zure Espirituak bil dezala

ene bizitza osoa.
Nire nahia da, hil dadila nigan gizaki zaharra
eta soilik zu bizi ene bizitzan,
Gizaki Berri zaren hori.
Maite zaitut, Jesus, bihotzaren erditik
eta zure laguntzan dut uste.
Maite zaitut eta pozten naiz
zure Aitak maite nauelako,
Nire izena bihotzean idatzia daramalako
eta txeraz zaintzen.
Zorioneko naiz, zuk eta zure Aitak
eta zure Espirituak maitatua sentitzen naizelako.

Ez nazazu inoiz utzi.

Gutuneko azken hitzak

“Bere intimitatea galtzen duenak guztia galtzen du” (Milan Kundera)

2015ko urriko eguneroko Ebanjelioa

Egunero Ebanjelioa irakurri nahi duten lagunek, egun bakoitzari dagozkion irakurgaien arabera, hemen daukate urriko erreferentzia guztiak:

1 Lk 10, 1-12	8 Lk 11, 5-13	15 Mt 11,25-30	22 Lk 12,49-53	29 Lk 13,31-35
2.Lk 10, 13-16	9 Lk 11,15-26	16 Lk 12,1-7	23 Lk 12,54-59	30 Lk 14,1-6
3 Lk 10, 17-24	10 Lk 11,27-28	17 Lk 12, 8-12	24 Lk 13,1-9	31 Lk 14, 1,7-11
4 Mt 11, 25-30	11 Mk 10, 17-30	18 Mk 10, 35-45	25 Mk 10, 46-52	
5 Mt 7, 7-11	12 Lk 11,27-28	19 Lk 12,13-21	26 Lk 13, 10-17	
6 Lk 10, 38-42	13 Lk 11,37-41	20 Lk 12,35-38	27 Lk 13, 18-21	
7 Lk 11,1-4	14 Lk 11, 42-46	21 Lk 12,39-48	28 Lk 6,12-19	

Urrian elkarrekin ospatuko dugun otoitza 29an izango da 19:30tan

Geure web gunea bisitatu

www.asissarea.org




Asis Sarea

646 21 48 96